

۲۱ ذی الحجه ۱۳۰۹ - ۲ ثموز ۱۳۰۸

جلد ۳ - سنه ۲ - نومرو ۵۳



سیاسیاتدن ماعدا هر شیدن بحث ایدر. هننه لك جریده فنیه و ادبیه. ترفیات فنیه و مدنیه بی وقت و زمانیه بیلدیرر
مناقع عمومییه به متعلق مقالات ادبیه و فنیه بی مع الممنونیه قبول و درج ایدر. درج اولنمیان اوراق اعاده ایدیه من.

مواد و بییه

تفکر معصومانه

در حیاتك صباح صاوتنده کی بر معصومده کندینه
 مخصوص بعض تفکرانه طالب کیدر، حدذا آندمه متأثر
 بیله اولمامسی لازم کان دوشونجه سی اوضاع معصومانه سده
 اوقدر تحول کو ستر، که قلوب متحسسه مینی مینی متفکره
 قارشو تأثرات شاعرانه دن کندینی آلهماز !

چو جقارک اسباب تأثری مینی مینی یالمرینک
 اوقافانی نسبتده کوچو کدر.

بخره اوکنده اوطورمش کوچو بر قزک باغچده کی
 آناج دالمرینک اهترآزانه باقوبده طوداقلرنده کوستردیکی
 لطیف تبسملر، والدسنگ بر دقیقه یانندن آیرلمسبیه
 بر حزن جدیه مبدل اولور که والد او آنده عودته،
 همده - کندیسندن باشقه بر قلبک حس ایدهمدیکی
 بر شفته - محصول حیاتی در آغوشه مجبور اولور.

لطافت معصومانه ایله مزوج بر طراوتله والد
 او یانیدی، یانی باشند او بومقده اولان نوردیده سنه باقدی
 والدله مخص بر حس شکران ایله حمد ایستی.
 یاورو جغنی او یاندر مقدر قورقوردی، فقط کوکلنده کی
 محبت مادرانه ک غلبانه مقاومت ایدهمدی؛ دوداقلرینی
 یاسدیگ اوزرینه سرملش لطیف تلره سورمکله کفایت
 ایستی.

والده صاحبین کورلمی لازم کان وظائف یتیه ک
 ایفاسیله اشتغال ایدیور، آراندده ایکی ساعت کچمشدی،
 نائم او یانیدی؛ درت طرفه باقینوردی. هر کون او یاندرینی
 وقت آنه سنی ایشارینی بترمش، ککش باشی اوچنده
 حسیات مادرانه ک طالتی نظر لرله کندیسنه
 باقنده بولان مینی مینی قز بوبصباح کیمسینی کورهمدی؛
 — آنه م، زرده ؟

دیدي، اقشام قومشو چو جقارکی کندیلرینی زیارته
 کچمشدی، درسی از بر ایدهمه مشدی.

کتابی انه آلدی، معصومانه خلباله درسی اوقورکن
 قرال صاجاری ایکی طرفه بر لطافت اهترآزیه صاجوردی.
 درسی از برله دی، قالدی پوزنی ییقادی. آنه سی
 حالاکه مشدی.


بخره اوکنه اوطوردی. والدسنگ هر صباح
 اوقومسینی تبیه ایستدیک داسنی اوقودی؛ ینه ایکی طرفه
 باقندی. آنه سی یوغیدی !

مینی مینی قلبنده بر اضطراب حس ایستی، ذهنی
 بستیون والدسنگ زرده اولدینی ایله اشتغاله باشلادی.
 یواشجه سسلیمکه جسارت ایستی.
 — آنه !

دیه چاغردی. جواب آله مادی.
 کوچک بر قز، سوکیلی بر یاورو لطیف بر وضعیت
 آلمش، مینی مینی بینی آنه سنی دوشونور ! یک از
 صوکره والد قیودن گیدی. نمره حیاتی متفکر کوردی.
 قوللرینی آجدی، قوشدی قوجاقلادی، کوچک قز
 والدسنگ بوینته صارلادی، او تفکر دن اثر قالدی !

فقط بر از اولکی طور متفکرانه خیالات شاعرانه یی
 توسیع ایدمک بر لوحه [*] تشکیل ایستی.
 چونکه طفولت اک کوچک تفکر دن بیله آزاده
 قالدی ایستر.

[*] برنجی صحیفه افاده مخصوصه درج اولنسی حسبیه
 لوحه سی کله جک هفته وضع اولنه جقدر.
 عبدالاحد نوری



مواد حقویه

دعاوی بحریه ده تعیین مرجع

عقود و معاملات بحریه ایله بونلرک صورت جریانی
 ودرجه مرعیتدن بحث ایدن قوانینه (قوانین بحریه)
 اطلاق اولمقده در.

قوانین بحریه اصلاً «حقوق بحریه عمومی» و «حقوق
 بحریه خصوصی» ناملرله ایکی به منقسم اولوب حقوق
 بحریه خصوصی بی تجارت بحریه قانوننده کی احکام جامع
 بولمقده در.

تجارت بحریه قانونی سفینه و اصحاب سفینه ایله کی
 خدمت لرند بولان طائفه و سائر کی ملاحلر ایله اشخاص
 ثلاثه بینده کی صرف امور بحریه به متعلق عقود و معاملات دن
 بحث ایدر که بونلرده تجارت بحریه حکمه لرینه عائد اولان
 خسارات، مصادمات بحریه به متعلق منازعات و سفینه
 انشاسنه دائر بالجه، تهذبات، سیر و سفر ایچون سفائن
 اشتراف و فروختی و بحراً اموال و اشیا نقل و ارسالی و مناقلات